

I ghöre es Glöggli

I ghöre es Glöggli
das lüetet so nett.
De Tag isch vergange
jetz gang i is Bett.
Im Bett tuen i bäte
und schlafe denn i.
De lieb Gott im Himmel
wird au bi mir si!

Und alli wo müed sind
händ Friede und Rueh.
De lieb Gott im Himmel
laht Böses nöd zueh.
I gahne is Bettli,
eu allne Guet Nacht
De lieb Gott im Himmel
und s'Engeli wacht.

De Tag isch vergange,
es tunklet ja scho,
Du lieb Gott im Himmel,
ich bin ja so froh.
Ich wott nöd elei si,
doch du bisch bi mir,
und Mueter und Vater,
die wached mit Dir.

